

zuckerflockn

wann i di siach mocht mei herz an sprung
es hupft vor lauter freid wiara kind mit rote gummistiefün
mittn eine in de lockn
und rote tropfn fliang wia tränen durch de luft
weu mei herz vor lochn want

wann i di hea mocht si mei herz auf und davon
es draht vor lauter freid si wiara junger hund im kraas
immer nur der nosn noch
und griane stern foin sanft auf uns zwaa
wann i auf dein herzschnog hea

wann i di gschbia broat mei herz weit seine fliegln aus
es fliaht vor lauter freid wiara schwaim in summa
mittn in dei himmüblau und olle woikn schmözn sanft
wia zuckerflockn wann du mir auf da zung zergehst

©verena götl